

Atangoyat Okaohenik Naetomik

Kigoani Omiknigata Amigiyotini Opalogaeyaot (PCMP) Lupin-mi Kulmik Oyagaktaqvik (Lupin) ihoakhaktaohimayok Lupin-mi Oyagaktaknitinik Timeoyomit (LMI), tamat nanminigiyaoyok ilagani ilaoyoni Mandaley Resources-kunit Timeoyomit (Mandalay), pivageagani atogeakaktot Kanoginigani A Immakmik Atogeagani Laeseoyok 2AM-LUP2032-goyok. Lupin inikaktok kanitoani 285-kilamitamik hivogata kivalikheani Kugluktup, Kitikmeoni Nunami Nonavumi, oyagaktakveohimayoklo 1982-mit 2005-mot.

Opalogaeyaotit havak otiktitanigani ilitkoheanut Lupin-mi Oyagaktakvik atolikhimayok 2019-mi inikneaktoklo nogonigani 2021-mi. PCMP-goyok piyotikaktok malguknik napaniklo ukeoni otiktitanigani ilitkoheanut (Havagenaktat Omiknigani; Havak 1) kigoanilo talimani ukeoni 2022-mit 2026-mut (Havagikataktayok Umiknigani; Havak 2). PMCP-goyok atokhimaginaktok makpigak notagoktikaovakneaktok kagogogagat takokhaoyagani alagoknigit amigiyotini kanoginiganik havami, atogeakakat. Kigoani omiknigata amigiyotit opiyotinit hakoetomiklo umiktikniga havagiyaoneaktok pivageagani hilakyoami piyotaoyot Nona Namaenaknigani, Halomaelgut Aolavalaginiginik, Hivonikhamilo Atokniginik Nonateagoniginiklo.

Okakatigekniginik PCMP-mik, atokat Ilagani B, okaohik 20 Immakmik Atogeagani Laeseoyok, atokhimayok kagitaoyoakut hivayaotinit okaotaoyoniklo ilaoyonit March 9-mi, 25-milo 2021-mi. Okakatigeknigit katimanik nonagiyaoyuni ilaoyolo timeoyolo talvani Kugluktumi atoktitaoyoklo LMI-konit April 8-mi 2021-mi toniyaotinago PCMP-goyok.

Havak 1 (Opilotik Omiktikniga) amigiyotit ilakaktut malgoeklotik saneonikmi ihiveokhiyotiniq immakpaleakpat atokat Ilagani J, Ukaohik 11 Immakmik Atogeagani Laeseoyomi. Ihiveokhiyotit ilakaktut kukloakniginik himiktutinit, immaokakniginik tahikat/immakakveoyot, homilolika nonap hitoakpaleaniganik, kopiktiknigit immakakpalakniginik / atokatakhimagitoniklo himiktutini. Amiginiganik TCA-goyok ilakaktok ihiveokhiyotiniq, ihoakotinit naonaeyaotit pivaleanigit, immagikniganilo naonaeyakniginik nalonaeteageagani amiginiganit pivageaganilo atogeakaktut Immakmik Atogeagani Laeseoyomi Havivalokniklo Pinikotikhaniklo Oyagaktakvikmit Atakugotini Maligeakhat (MDMER). Nonamik hanahimayot amiginigit atokhimakneaktut TCA-mi tamaenilo inigiyaoyoni okonani ikagovaloet igitaonigini. Maligoateakmaga amigoyut nonap halomaniganik havagiyaoneaktok nonani halomaelgut algaktaonignit ilagiyaniq otiktitaoniginik nonat ilitkohenut akhogotini.

Havak 2 (Akhoknaetomik Omiktikniga) amigiyotit ilakaktut tatikheok natkagat ihiveokhiyotiniq June-mit September-mut aepagotoagagat. Ilagiyaniq, aepagotoagagat ihiveokniga TCA-goyup iniktaoneaktotk nonamik hanahimayonik ihiveokhiyomit hikokagoektilogit immavaloet kanoginiginik atokat Ilagani J, Okaohik 12-mi Immakmik Atogeagani Laeseoyomi. Ataotikut aepagotoagagat TCA-mik ihiveokhiyotiniq, nona piniqhivageagani hanayakhaleokti takologit ihiveokhineakok kanoginigiik kimeakyoet kagit, haohiveoyok, pagalo oyagaktakveop.

TCA-mi, kayagilotik kuktitiyotimik otiktifaknigani ilitkoheanut (kaliyaoyut) tahikat atoligomayaoyok pH-giya takonakhikpat piyaohimanigani namaenaktok inigiyaoyomik piyotikaktomik atoligeakniganik 5.5-mik. Tamaeni aalat nonat (Oyagaktakvik kukveoyoklo avataoyok), immagikniginik ilitokhaot havagiyaoneaktok atoklogit atogeakaktut Immakmik Atogeagani Laeseoyomi. Nonat kanogilivaleanigit amiginigagut atoenakneaktok, kiheani havak ihoakhaktaoneaktok kigolikmik (otiktitaonignik nonat) inigoyaoyup kanoginiganik. Amiginiginik halomaekhimayot nonat atoktilogo Kayagivlotik Omiktiknigani Pivikhakaknikmi atogeakagitok okoa halomaektut nonat ikaguneakmata nonap iloani oyagaktakvikmi havaoheoyoni.

Unipkagiyaonigit Havak 1-mi Havak 2-milo amiginigagut havani pikakneaktut aepagotoagagat amiginigagut unipkamik atokat Immakmik Atogeagani Laeseoyomik (Ilagiya J Okaohik 10-mi) toniyaohimayok March 31-mi aepagotoagagat, kigolik MDMER-mik onipkak 2021-mi, Havak 1-mi 2-milo nona pinikhaktaoniganik amigiyotini unipkat, kigolikmiklo nonaenaknik otiktifageagani ilitkohenut unipkak.